

ქვეპროგრამის განაცხადის ფორმა

პროგრამის დასახელება, რის ფარგლებშიც ხორციელდება ქვეპროგრამა:

შეზღუდული შესაძლებლობის სტატუსის მქონე პირთა და ხანდაზმულთა უზრუნველყოფა დამხმარე საშუალებებით
--

ქვეპროგრამის კლასიფიკაციის კოდი:

060704

ქვეპროგრამის დასახელება:

შეზღუდული შესაძლებლობის მქონე და ხანდაზმულ პირთა სხვა დამხმარე საშუალებებით უზრუნველყოფა
--

ქვეპროგრამის განმახორციელებელი:

აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო

ქვეპროგრამის მთლიანი ბიუჯეტი:

დასახელება	2025 წელი
ა/რ ბიუჯეტის საკუთარი შემოსავლები	650,000
სულ ბიუჯეტი:	650,000

ქვეპროგრამის მიზანი:

შეზღუდული შესაძლებლობის მქონე და ხანდაზმულ პირთა ცხოვრების ხარისხის გაუმჯობესება, სოციალური და მორალური მხარდაჭერა.

ქვეპროგრამის აღწერა:

ქვეპროგრამის სამიზნე ჯგუფს განეკუთვნება სხვადასხვა დამხმარე/მოვლის საშუალებათა საჭიროების მქონე პირები. ქვეპროგრამა განხორციელდება სოციალური ვაუჩერის მეშვეობით. მიწოდებული საქონლის(მომსახურების) ღირებულება დაფინანსდება სრულად ფაქტობრივი ღირებულების შესაბამისად ვაუჩერში მითითებული თანხით, მაგრამ არა უმეტეს ქვეპროგრამით გათვალისწინებული ლიმიტისა. იმ შემთხვევაში, თუ დამხმარე საშუალების ღირებულება აღემატება ქვეპროგრამით გათვალისწინებულ თანხას, სხვაობას გადაიხდის ბენეფიციარი. იმ შემთხვევაში, თუ ღირებულება ნაკლებია ქვეპროგრამით გათვალისწინებულზე, ანაზღაურება განხორციელდება ფაქტიური ღირებულების მიხედვით. ამასთანავე, ერთ ბენეფიციარს სამინისტროს მიერ აუნაზღაურდება არაუმეტეს ორი დამხმარე საშუალების ღირებულება, ხოლო ერთი და იგივე სახეობის დამხმარე/მოვლის საშუალება გაიცემა ერთჯერადად არანაკლებ 5 წლის განმავლობაში.

ქვეპროგრამის ბენეფიციარები არიან:

- შეზღუდული შესაძლებლობის მქონე პირები, მათ შორის ბავშვები;
- მოქალაქეები, რომლებიც რეგისტრირებული არიან სოციალურად დაუცველი ოჯახების ერთიან მონაცემთა ბაზაში 0-დან 200000-ის ჩათვლით სარეიტინგო ქულით;
- ომისა და სამხედრო ძალების ვეტერანები;
- პოლიტიკური რეპრესიის მსხვერპლი;
- თავშესაფარის კონტიგენტი;

!!! 70309 (დიდი მაკი) და 70310 (ჟილეტი) კოდების შემთხვევაში ბენეფიციარებს წარმოადგენენ ის შშმ პირები (მათ შორის ბავშვები), რომელთა ოჯახები რეგისტრირებული არიან სოციალურად დაუცველი ოჯახების ერთიან მონაცემთა ბაზაში 0-დან 200 000-ის ჩათვლით სარეიტინგო ქულით.

ქვეპროგრამაში ჩართვა განხორციელდება მომართვიანობის მიხედვით მომსახურების მიღების უპირატესი უფლების დაცვით. ქვეპროგრამის ფარგლებში დაფინანსებისას უპირატესობა ენიჭებათ 18 წლამდე ასაკის ბავშვებსა და შეზღუდული შესაძლებლობის სტატუსის მქონე მოქალაქეებს.

ვაუჩერის გაცემის საფუძველს წარმოადგენს:

- განცხადება;
- ცნობა ჯანმრთელობის მდგომარეობის შესახებ - ფორმა №IV-100/ა, სადაც მითითებული უნდა იყოს ამ ქვეპროგრამით გათვალისწინებული დამხმარე საშუალებათა საჭიროება; !!!დიდი მაკისა და ჟილეტის შემთხვევაში - ფორმა №IV-100/ა ოკუპაციური თერაპევტის/მეტყველების თერაპევტის/ნეიროფსიქოლოგის შესაბამისი შეფასებისა და რეკომენდაციის საფუძველზე.
- პირადობის დამადასტურებელი მოწმობის ასლი, ან სხვა დოკუმენტი, რომლითაც შესაძლებელია პირის იდენტიფიკაცია; 18 წლამდე ასაკის შემთხვევაში ბავშვის დაბადების მოწმობის ასლი ან სხვა დოკუმენტი, რომლითაც შესაძლებელია ბავშვის იდენტიფიკაცია; ამასთანავე მშობლის ან ბავშვის კანონიერი წარმომადგენლის პირადობის დამადასტურებელი მოწმობის ასლი, ან სხვა დოკუმენტი, რომლითაც შესაძლებელია პირის იდენტიფიკაცია (კანონიერი წარმომადგენლის შემთხვევაში, ასევე კანონიერი წარმომადგენლობის დამადასტურებელი საბუთი);
- დამხმარე/მოვლის საშუალების წინასწარი ანგარიშ-ფაქტურა;
- ქვეპროგრამის მოსარგებლის დამადასტურებელი საბუთი.

ქვეპროგრამით გათვალისწინებული მომსახურებით ისარგებლებენ საქართველოს მოქალაქეები, რომლებიც 2025 წლის 1 იანვრის მდგომარეობით და ვაუჩერის გაცემის პერიოდისათვის უწყვეტად რეგისტრირებულნი არიან აჭარის ავტონომიური რესპუბლიკის ტერიტორიაზე. ასევე, იძულებით გადაადგილებული პირის სტატუსის მქონე მოქალაქეები, რომლებსაც დევნილის სტატუსის დამადასტურებელი დოკუმენტის მიხედვით რეგისტრაციის ადგილად უფიქსირდებოდათ აჭარის ავტონომიურ რესპუბლიკის ტერიტორია. ამასთანავე, 18 წლამდე ასაკის პირის შემთხვევაში კი 2025 წლის 1 იანვრის მდგომარეობით და ვაუჩერის გაცემის პერიოდისათვის ერთი-ერთი მშობელი მაინც უწყვეტადაა რეგისტრირებული აჭარის ავტონომიური რესპუბლიკის ტერიტორიაზე. წყვეტილობის არსებობის შემთხვევაში, პირი არ უნდა იყოს რეგისტრირებული აჭარის ავტონომიური რესპუბლიკის ადმინისტრაციული ტერიტორიის გარეთ.

გამონაკლის შემთხვევებს, ქვეპროგრამის განხორციელების წესსა და მასთან დაკავშირებით გასატარებელ ღონისძიებებს განსაზღვრავს და ამტკიცებს აჭარის ავტონომიური რესპუბლიკის ჯანმრთელობისა და სოციალური დაცვის მინისტრი შესაბამისი ინდივიდუალურ-სამართლებრივი აქტით.

ქვეპროგრამის ფარგლებში გათვალისწინებულ დამხმარე საშუალებათა ღირებულების ანაზღაურებისათვის განკუთვნილი ვაუჩერის დაფინანსების ლიმიტი დამხმარე საშუალებათა შესაბამისი სახეობების მიხედვით განისაზღვრა შემდეგი ცხრილის შესაბამისად:

N	პროგრამული კოდი	დასახელება	ერთეულის დაფინანსების ლიმიტი (ლარებით)
1	70301	ხმის წარმომქმნელი აპარატი (ლარინგექტომიის შემდგომარეობა)	3,000
2	70302	შშმ პირთათვის განკუთვნილი ამწე	2,300
3	70303	ნაწოლების საწინააღმდეგო ბალიში	200
4	70304	ნაწოლების საწინააღმდეგო ლეიბი	200
5	70305	ნახველის ამოსაღები აპარატი	350
7	70307	ფუნქციური საწოლი	1,200
8	70308	ღამის აპნოეს აპარატი	3,000
9	70309	დიდი მაკი (1მესიჯი)	500
10	70310	ჟილეტი	942
11	70311	ტერფის ორთეზი კოჭ-წვივის სახსრის ჩართვით	182
12	70312	ტერფის ორთეზი კოჭ-წვივის სახსრის ჩართვით, მოძრავი კოჭ-წვივის სახსრით	350
13	70313	ორთეზი მუხლისა და კოჭ-წვივის სახსრის ჩართვით	1,092
14	70314	მუხლის ორთეზი	910
15	70315	ორთეზი მენჯ-ბარძაყის, მუხლისა და კოჭ-წვივის სახსრების ჩართვით	1,287
16	70316	ორთეზი იდაყვის ქვედა	130
17	70317	ორთეზი იდაყვის სახსრის ჩართვით	234
18	70318	ორთეზი კისრის ღონეზე	195

19	70319	ორთეზი გულ-მკერდ-წელის დონეზე	910
20	70320	ორთეზი წელის დონეზე	747
საერთო ბიუჯეტი			650,000

ქვეპროგრამის განხორციელების დროითი გეგმა

	1 კვარტალი	2 კვარტალი	3 კვარტალი	4 კვარტალი
მომსახურების მიმწოდებელი დაწესებულებების შერჩევა	X	X	X	X
მოქალაქეთა განცხადებების მიღება	X	X	X	X
წარმოდგენილი განცხადებების განხილვა	X	X	X	X
ვაუჩერების გაცემა	X	X	X	X

მომავალი წლის მოსალოდნელი შედეგი

შეზღუდული შესაძლებლობის მქონე და ხანდაზმული პირები დამხმარე საშუალებებით უზრუნველყოფილია, ცხოვრების ხარისხი გაუმჯობესებულია, ბენეფიციართა და მათი ოჯახების სოციალური და მორალური მხარდაჭერა გაწეულია.

ქვეპროგრამის შუალედური შედეგის ინდიკატორები

მოსალოდნელი შედეგი	შედეგის ინდიკატორები	გაზომვის ერთეული	მონაცემთა წყარო	სიხშირე	პასუხისმგებელი (საბიუჯეტო ორგანიზაცია)	მოგროვების მეთოდი
შეზღუდული შესაძლებლობის მქონე და ხანდაზმული პირები დამხმარე საშუალებებით უზრუნველყოფილია, ცხოვრების ხარისხი გაუმჯობესებულია, ბენეფიციართა და მათი ოჯახების სოციალური და მორალური მხარდაჭერა გაწეულია	ბენეფიციართა ჩართულობის მაჩვენებელი	95%	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროს სოციალური დაცვის დეპარტამენტი	წელიწადში ერთხელ	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროში შემოსული მოქალაქეთა განცხადებების ანალიზი